

堅持創作風格 懶理網民批評

Jace前衛造型

越怪越開心



■Jace與舞蹈員在果欄勁歌熱舞。

獨立歌手陳凱詠 (Jace) 的新歌《SWITCH》MV 於極具港式情懷的果欄、懷舊金行及老字號茶樓拍攝，但大膽前衛造型及曲風卻惹來不少爭議！不過 Jace 一於少理，堅持自我創作風格，更笑言越多人覺得她造型奇怪，她就越開心。

陳凱詠日前推出全新跳唱歌曲《SWITCH》MV，隨即在網上掀起熱烈討論。最受爭議是MV尾段一幕令人震撼的特技場面，Jace的頸部竟如蛇般詭異伸延，有網民表示：「冇冇人覺得Jace依家越嚟越偏鋒！」亦有網民緬懷她在環球唱片的時期，認為當時作品「正常好多」，更有人將這個畫面與日本動漫《火影忍者》的邪魅角色「大蛇丸」作比較，引發連串爭議。

圈中好友力撐

面對質疑聲音，多位圈中人士現身力撐Jace，歌手李拾壹在社交平台留言：「可唔可以賜教一下咩叫做偏鋒？偏鋒會點嘅？好似好型！」鄧凱文等多位歌手亦紛紛發聲支持。有資深樂迷更一針見血表示：「懷疑梅艷芳依家出道

都會俾人鬧佢小眾！」得到大量網民認同。

對於網上議論紛紛，Jace選擇在個人Threads回應：「你哋每一個同我講好鍾意、好睇、好正、好奇怪，其實令我好開心。」展現她對自我創作風格的堅持。她親述今次親自參與MV的經歷：「希望透過大膽前衛嘅表現手法，打破大眾對本地廣東歌固有印象。我係一個樂觀嘅人，明白一開始未必好多人理解，但作為創作者呢個係我本分，如果大家鍾意請大聲話我知！」

■陳凱詠用特技將頸部伸延。



■陳凱詠於新歌MV大膽展現前衛風格。

黃淑蔓瘦身成功

生日願望終極更新

「寰亞孺女」黃淑蔓 (Feanna) 昨日24歲生日，日前到粉絲應援咖啡店打卡，又到商場影貼紙相，非常開心。問到有何生日願望？Feanna坦言過去兩年都是「瘦身成功」，經過努力下終於如願，今年願望是「更新版」，她笑言：「最重要係身體健康、工作順利、做到自己鍾意嘅事。今年有少少成績啦（指瘦身），但我唔會鬆懈。」

提到近日推出新歌《未至於》，Feanna表示與不少歌手朋友聯乘推出「合唱版」，並在Ig分享唱歌片，她說：「呢10年識咗好多圈中朋友，好想有機會同大家合作，所以膽粗粗廣發邀請。好開心大家同我一齊唱，好感動。我同每一位合唱時傾多咗偈，更多Bonding（緊密關係），多謝大家嘅幫助同愛護。」



■黃淑蔓收到粉絲送的花和公仔，愛不釋手。



■山聰入住「蚊型酒店房」。

陳山聰齋食蘋果當午餐

視帝陳山聰與日本美食達人陳方藤於無綫節目《人生美食地圖——東京篇》，走訪原宿、日比谷、代宮山及表參道。早於二十多年前已是潮人的山聰分享昔日「血拚」心得，當年為了慳錢慳時間，除了入住「豆腐潤咁細」的酒店房外，三餐都非常求其。製作組特意安排山聰入住昔日的「蚊型酒店房」，令他忍不住話當年：「初初嚟日本，我真係唔會慢慢食Lunch，因為多數時間都用嚟行街。我誇張到試過袋住個蘋果去行街，Lunch肚餓食個蘋果咋，跟住就繼續買。」

李金凱處男拍劇零怯場

《中年好聲音3》歌手李金凱將於本周處境劇《愛·回家之開心速遞》強勢登場，與「豹哥」單立文有對手戲！首次拍劇的金凱零怯場，細心聆聽監製及豹哥指導。當拍攝Jam歌場面，兩人趁有空檔即爭取時間排練，豹哥更不斷睇Playback作出調整，務求Jam出最理想水準！金凱表示：「我們只有昨天通話的7分鐘，而且還要唱廣東歌。」豹哥則透露有天在家看《中年3》，被金凱唱《今生今世》深深打動：「咦！點解有滴眼淚睇眼角留低咗嘅？咁我就記住金凱喇。」



■單立文(左)與李金凱惺惺相惜。